



Broj: 01/1-50-1-26-28/04.

Sarajevo: 27.05.2004.

Z A P I S N I K
sa 28. sjednice Ustavno - pravne komisije

Sjednica je održana 27.05.2004. godine s početkom u 12,00 sati.

Sjednici su prisustvovali članovi Komisije:

- | | |
|--------------------|-------------------|
| 1. Mirsad Čeman, | 5. Martin Raguž i |
| 2. Petar Kunić | 6. Beriz Belkić |
| 3. Seada Palavrić, | |
| 4. Ivo Miro Jović, | |

Članovi Komisije: Tihomir Gligorić, Momčilo Novaković i Nijaz Duraković su najavili odsustvo sa sjednice.

Sjednici je prisustvovao: predstavnik: Vijeća ministara BiH: Šećerović.

Sjednici je takođe prisustvovao poslanik Selim Bešliagić, predlagač zakona.

Sjednici je prisustvovao sekretar Komisije Milan Zjajić, i Golijanin Nevena - student stažista.

Mirsad Čeman je pozdravio prisutne i predložio sljedeći:

D N E V N I R E D

1. Verificiranje Zapisnika sa 27. sjednice, održane 20.05.2004. godine,
2. Prijedlog zakona o sportu BiH, predlagač poslanik Nikola Špirić
3. Prijedlog zakona o dopuni zakona o državljanstvu BiH, predlagač poslanik Nikola Špirić,
4. Prijedlog Zakona o izmjeni Zakona o Vijeću ministara BiH, predlagač poslanik Selim Bešliagić,
5. Prijedlog zakona o osnivanju Instituta za mjeriteljstvo/metrologiju BiH, predlagač, Vijeće ministara BiH,
6. Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH,
7. Prijedlog zakona o osnivanju Instituta za standardizaciju BiH, predlagač, Vijeće ministara BiH,
8. Ostala pitanja.

Predloženi dnevni red je jednoglasno prihvaćen.

Ad. 1. Verificiranje Zapisnika sa 27. sjednice, održane 20.05.2004. godine,

Uz primjedbu, da se pod tačkom dnevnog reda 1. Verificiranje zapisnika sa 27. sjednice opiše primjedba za tačku 18. na kraju doda tekst: "a Ustavni sud je već odlučivao po predmetnom zahtjevu." i pod tačkom 16. izbriše riječ: "dijela". Zapisnik sa 27. sjednice je jednoglasno verifikovan.

Ad. 2 Prijedlog zakona o sportu BiH, predlagač poslanik Nikola Špirić,

Nakon provedene rasprave, Ustavno-pravna komisija Predstavničkog doma je utvrdila većinom glasova, izjašnjavajući se na sljedeći način:

1. Sa pet glasova "za" i sa jednim glasom "protiv" da postoji valjan ustavno-pravni osnov za donošenje Zakona o sportu Bosne i Hercegovine,

2. Sa pet glasova "za" i sa jednim glasom "protiv" da je Ustavni osnov sadržan u članu IV tačka 4. a) Ustava Bosne i Hercegovine, kako je naveo predlagač, te četiri glasa "za" i dva glasa "protiv" da je ustavni osnov sadržan i u članu II tačka 1.; 2. i 3. Ustava Bosne i Hercegovine,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o dopuni zakona o državljanstvu BiH, predlagač poslanik Nikola Špirić,

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o dopuni Zakona o državljanstvu Bosne i Hercegovine,
2. Ustavni osnov je sadržan u članu I tačka 7. Ustava Bosne i Hercegovine, kako je naveo predlagač,
3. Usklađenost ponuđenog teksta sa Ustavom i pravnim sistemom Bosne i Hercegovine cijenice nadležna komisija i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Prijedlog Zakona o izmjeni Zakona o Vijeću ministara BiH, predlagač poslanik Selim Bešliagić,

Nakon kraćeg uvodnog izlaganja predlagača Selima Bešliagića ostalo je nejasno da li je predlagač želio samo pokrenuti inicijaticu prema organima entiteta i Vijeću ministara BiH ili ostaje pri Prijedlogu zakona, koji je dostavljen u proceduru. To je stvorilo oštru polemiku između Petra Kunića i drugih članova Komisije, a posebno kritički Kunić se ponio prema predsjedavajućem Mirsadu Ćemanu.

Kasnije, u toku rasprave Selim Bešliagić je odustao od Prijedloga zakona o izmjeni Zakona o Vijeću ministara BiH, ali je istakao da se Sekretarijat Parlamentarne skupštine mora osposobiti da servisira poslanike u zakonodavnim inicijativama, da nikada više neće koristiti mogućnost da predlaže zakone i da Komisija njegov Prijedlog zakona dostavi Vijeću ministara BiH kako bi Vijeće ministara pokrenuo dalje aktivnosti prema entitetskim organima, jer Bosni i Hercegovini je neophodno, po njemu, da u procesu evropskih integracija ima ministarstvo poljoprivrede na državnom nivou.

Ad. 5. Prijedlog zakona o osnivanju Instituta za mjeriteljstvo/meteorologiju BiH, predlagač, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao nadležna komisija je:

1. Sa četiri glasa "za" i jednim glasom "protiv" podržala principe predloženog zakona,
2. Konstatirala da je amandmane uložio poslanik: Mirsad Ćeman. Komisija je podržala sljedeće amandmane:

Amandman I

U članu 1. stav 1. iza riječi "samostalna" dodaje se riječ "državna".

Amandman II

U članu 4. stav 4. mijenja se i glasi:

"4. U Institutu se obezbjeđuje odgovarajuća nacionalna zastupljenost državnih službenika i namještenika u skladu sa zakonom."

Amandman III

U članu 18. brišu se riječi: "a objaviće se i u službenim glasilima entiteta i Brčko Distrikta Bosne i Hercegovine"

3. Jednoglasno prihvatila tekst Prijedloga zakona o osnivanju Instituta za mjeriteljstvo / metrologiju Bosne i Hercegovine, kako ga je predložilo Vijeće ministara BiH sa usvojenim amandmanima i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 6. Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao nadležna komisija je:

1. Sa četiri glasa "za" i jednim glasom "protiv" podržala principe predloženog zakona,

2. Konstatirala da su amandmane uložili poslanici: Nedžida Mlaćo i Ljiljana Milićević. Komisija nije podržala predložene amandmane,
3. Jednoglasno prihvatila tekst Prijedloga zakona o osnivanju Instituta za intelektualno vlasništvo Bosne i Hercegovine, kako ga je predložilo Vijeće ministara BiH, i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 7. Prijedlog zakona o osnivanju Instituta za standardizaciju BiH, predlagač, Vijeće ministara BiH,

Nakon iscrpne opće i rasprave o pojedinostima Ustavno-pravna komisija, kao nadležna komisija je:

1. Jednoglasno podržala principe predloženog zakona,
2. Konstatirala da su amandmane uložili poslanici: Nedžida Mlaćo, Ljiljana Milićević i Mirsad Ćeman. Komisija je podržala sljedeće amandmane:

Amandman I

U članu 1. stav 1. iza riječi "samostalna" dodaje se riječ "državna".

Amandman II

U članu 7. uvodna rečenica treba da glasi:

"Institut je, kao državna naučno-stručna institucija, nadležan da:"

Amandman III

Iza člana 9. dodaje se član 10. koji glasi:

"Član 10.

Rukovodeći državni službenici pomažu direktoru u rukovođenju pojedinim područjima rada" Shodno usvojenom amandmanu izvršiti izmjenu redoslijeda članova zakona.

Amandman IV

Iza člana 11. (raniji član 10.) dodaje se Odjeljak V i član 12. koji glase:

"V DRŽAVNI SLUŽBENICI I NAMJEŠTENICI

Član 12.

1. Poslove osnovnih djelatnosti koji su ovim zakonom stavljeni u nadležnost Instituta obavljaju državni službenici, koji se postaljšaju na radna mjesta utvrđana Zakonom o državnoj službi u institucijama Bosne i Hercegovine.
2. Kategorije u okviru radnih mjesta koje obavljaju državni službenici utvrđuju se Pravilnikom o unutrašnjoj organizaciji Instituta.
3. Postavljanje državnih službenika na radna mjesta u Institutu, njihova prava, obaveze i odgovornosti i druga statusna pitanja, plate i druga materijalna primanja državnih službenika, kao i sprečavanje sukoba interesa u obavljanju dužnosti državnih službenika uređuju se u skladu sa Zakonom o državnoj službi u institucijama BiH i drugim posebnim zakonom.
4. Pomoćne-tehničke poslove u Institutu obavljaju namještenici u skladu sa važećim propisima.
5. Prijem namještenika u radni odnos, prava, obaveze, odgovornost i druga statusna pitanja, kao i plate i druga materijalna primanja namještenika uređuju se u skladu sa posebnim zakonom."

Shodno usvojenom amandmanu izvršiti izmjenu redoslijeda Odjeljaka i članova zakona.

Amandman V

Član 14. (raniji član 13.) se briše i postaje stav 2. člana 13. (ranijeg člana 12.)

U članu 13. dodaje se stav 3. koji glasi:

"3. Institut za standardizaciju Bosne i Hercegovine preuzima poslove, opremu, arhivu i novčana sredstva i državne službenike i namještenike danom potpisivanja zapisnika o izvršenoj primopredaji, sačinjenog od Komisije iz stava 2. ovog člana, a u skladu sa Odlukom o preuzimanju poslova između ministarstava osnovanih ranijim Zakonom o Vijeću ministara Bosne i Hercegovine i ministarstava i drugih organa uprave osnovanih Zakonom o ministarstvima i drugim organima uprave Bosne i Hercegovine ("Službeni glasnik BiH" br.15/03).

Amandman VI

U članu 18. brišu se riječi: "a objaviće se i u službenim glasilima entiteta i Brčko Distrikta Bosne i Hercegovine"

3. Jednoglasno prihvatila tekst Prijedloga zakona o osnivanju Instituta za standardizaciju Bosne i Hercegovine, kako ga je predložilo Vijeće ministara BiH sa usvojenim amandmanima i

4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 8. Ostala pitanja

Martin Raguž je zamolio dopunu liste učesnika Javne rasprave zakazane za 15.06.2004. sa prof. dr. Božom Žepinićem, prof. dr. Stjepom Andrićem i prof. dr. Antom Markotićem.

Kako nije bilo drugih prijedloga za ovu tačku dnevnog reda predsjedavajući je u 14,20 sati zaključio sjednicu.

Napomena: Sastavni dio ovog zapisnika je Stenogram koji sačinjava Zajednička služba Parlamentarne skupštine Bosne i Hercegovine.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman

